

landi Veteribus formula est sollemnis, quaque merito litteras has concludo, uel decies et amplius exclamans: *Feliciter! Feliciter! Optime Gupner!* Tua Tibi eueniat Valedictio, qualem quamcertissime maius excipiat gaudium ac solatium academicis in litteris, cuiuscunque disciplinae seu Philosophiae, seu linguarum, seu rerum gestarum, seu Theologiae, studium sub disquisitionem, uocabis uel perdisces. *Feliciter! Feliciter! O! Ulvice.* Nuntius est certus perlatus, Te ad Ciuium Academiae nostrae numerum esse admissum. *Feliciter!* Bene sperasti, ubi nostro in Lyceo uersareris, studiorum Tuorum incrementa semper fore maiora, id quod et sub Dei Numinis auspicio, ingenii Tui praeclara indole, Tuaque diligentia accuratissima factum, ego ipse contestor. O! bene spera subselliis Classis primae tandem aliquando abs Te uacue serio factis, siquidem hominum longe doctiorum schemata Geometrica, sic et alia eminus uides, ac cominus uidebis, quibus plane peruisis, spes Tua exoptatissima euentu nequaquam destituetur. *Feliciter! Feliciter, o! Rittere.* Fiant, quae de insatiabili ueri uidendi cupiditate, cum nostro Lyceo diceres uale, differuisti! Fiat, ut, quatenus Tuae menti natura esse insita, cuncti norunt, in posterum sese magis exferant, itaque boni doctique omnes crescentibus Tuis studiis faueant, tantumque inuidi ad altiora Tibi noceant tendenti, quantum marini fluctus Marpesiae cauti hunc in diem nocuerunt. *Feliciter! Feliciter! o! Goldschadi,* Tuam orationem cum clausula uale, ualete, non significasse modo, sed et declarasse, animaduerti, quantus qualisque ambitionis, seu fastus mortalium fatui hostis sis et discipias haberi. Quare horror Te perfudit, Teque ambitionem fastidis aeque ac fugis tanquam pauonem, superbissimam istam auem, nunquam non cum *Abbate Clareuallensi* exclamans: *O! ambitio, ambientium crux,* ac mutatis pergens uerbis: *neque aut me ullo unquam tempore torquebis, aut mihi placebis. Feliciter!*

Sat erit uerborum, satis superque uotorum, quibus nihilo addo secius, ut cognitionem studiorum pulcherrimam, *o! mei prio.*